

Akit akiliisarnerlu

Kalaallit Nunaanni qulimiguulinnut
mittarfinnik suluusalinnullu mittarfinnik
atuinermi

Atuutilissaaq 1. januaari 2021, ver. 1



Mittarfeqarfiiit
Grønlands Lufthavne | Greenland Airports

IMAI

1. Aalajangersakkat nalinginnaasut
2. Aallarnermut akigititaasoq
3. Ilaasunut akigititaasoq
4. Isumannaallisaanermut akigititaasoq
5. Annikilliliineq
6. Akiliisitsinnginneq
7. Uninnganermut akigititaasoq
8. Ammatitsinermut akigititaasoq
9. Ukiuumoortumik allagartat mittarfimmullu matoqqasumut minneq
10. Imminut kiffartuulluni timmisartuussineq
11. Akiliisarnermut piumasaqaatit
12. Taarsiisussaatitaaneq
13. Aalajangersakkat allat

§1

Aalajangersakkat nalinginnaasut

- Imm. 1 Silaannakkut angallassissutit qulimiguulinnut mittarfinnik timmisartunulluunniit mittarfinnik Ilangussaq 1-imí taaneqartunik atuisut malittarisassiat uku malillugit akigititaasunik akiliutinillu taaneqartunik akiliuteqartassapput.
- Imm. 2 Akigititaasut akiliutillu tassaapput aallarnermut akigititaasoq, ilaasunut akigititaasoq, uninnganermut akigititaasoq, security-mut akigititaasoq kiisalu ammaanermut akigititaasoq.
- Imm. 3 Malittarisassiani akiliutit aningaasartaat taaneqartut tamarmik danskit koruuniupput.
- Imm. 4 Malittarisassiani ukunani "aallarnissamut oqimaannerpaaffissatut akuerineqartoq" tassaatinneqarpoq timmisinnaassuseqarnermut upernarsaat/timminermi quppersagaq (MTOW) tunngavigalugu aallalernermermi kílunngorlugit oqimaannerpaaffissatut akuerisaasoq.
- Imm. 5 Malittarisassiani ukunani "mittarfiit" tassaatinneqarput qulimiguulinnut mittarfiit timmisartunulluunniit mittarfiit.
- Imm. 6 Mittarfiit Ilangussaq 1-imí taaneqartut ilaanni atuuffimmut/kiffartuussinermut akisussaaffik Mittarfeqarfiit allamut tunniussimappassuk illuatungeriit akornanni allamik isumaqtigitoqarsimanngippat akigititaasut akiliutillu pineqartumit aalajangersarneqartassapput. Akigititaasut akiliutillu pineqartumit aalajangersarneqartut atortuulersinneqannginneranni Mittarfeqarfinit akuerineqassapput.

§2

Aallarnermut akigititaasoq

- Imm. 1 Timmisartup aallalernermermi oqimaannerpaaffissaatut naatsorsorneqartoq tunngavigalugu aallarnerit tamaasa Ilangussaq 2 malillugu akigititaasoq akilerneqassaaq, § 6-imí ilaatinneqanngitsut ilaatinngagut.
- Imm. 2 Aallarnermut akigititaasoq § 5 tunngavigalugu annikillineqarsinnaavoq.

§3

Ilaasunut akigititaasoq

- Imm. 1 Silaannakkut angallassissutip ilaasunut akiliutit aallartussanut tamanut akilerneqassaaq, akeqanngitsumik angalasut ilangullugit, Ilangussaq 3-mi akit tunngavigalugit, § 6-imili ilaatinneqanngitsut pinnagit.
- Imm. 2a Ilaasunut akigititaasoq timmisartuussisup sulisuinut akilerneqassanngilaq.
- Imm. 2b Ilaasunut akigititaasoq meeqqanut marluk inorlugit ukiulinnut akilerneqassanngilaq.
- Imm. 3 Kalaallit Nunaanni ilaasunut unitsiaannarlutik eteraluarlutik timmisartumik taassuminnga / ingerlaarfik taanna atorlugu aallarfimminniit tikinniarfivimminnut tikittunut akigititaasoq akilerneqassaaq. Akigititaasoq ilaasunut aallartussanut timmisartumullu allamut ikisussanut akilerneqassaaq. Ilaasoq aallartussaq tassaavoq ilaasoq mittarfimmit/qulimiguulinnut mittarfimmit pineqartumit angalanini aallartikkaa. Ilaasoq timmisartumut allamut ikisussaq tassaavoq ilaasoq mittarfimmi/qulimiguulinnut mittarfimmi timmisartumut/ qulimiguulimmut allamut ikisussaq (aqqu tip normua allanngorluni).
- Imm. 4 Ilaasunut aqquaaginnartunut nunatsinni ingerlaarfinni arlaleriarlutik mittarlutik ingerlaannartumik aqquaartut mittarfimmut/qulimiguulinnut mittarfinnut aallarfiusumut taamaallaat akiliuteqartitsisoqassaaq. Nunap iluani ingerlaarfimmi ataatsimi arlalinni mifflusuni ataatsimit amerlanerusunik timmisartumut allamut nuunnermi aappassaanik tullissaanillu timmisartumut allamut nuunnermi nutaamik ilaasunut akiliuteqartoqassaaq. Ilaasoq aqquaaginnartoq tassaavoq

ilaasoq mittarfimmi/qulimiguulinut mittarfimmi timmisartumut taassumunnga ilaalluni tikittoq aallaqqitorlu aqqutip normua taannaaginnarluni.

§4 Isumannaallisaanermut akigititaasoq

- Im. 1 Ilangussaq 4 naapertorlugu ilaasunut isumannaallisaanermut akigititaasoq, §3 naapertorlugu ilaasunut akigititaasumut piumasaqaatit assigalugit, akilerneqassaaq. Ilaasut nassatallu piumasaqaatit Angallannermut Aqutsisoqarfiup aalajangersagai naapertorlugit sukkulluunniit atuutsinnejartut isumannaallisaanermut akigititaasumut ilaatinnejqarput. Silaannakkut angallasseqatigiiffiup misissuisarnerup oqartussaasut piumasaqaataannit qaffasinnerunissa kissaatigippagu, tamatumunnga atatillugu aningaasartuutaanerusussanik akiliisitsinikkut aaqqissuussisoqarsinnaavoq.

§5 Annikilliliineq

- Imm. 1 Aallarnermut akigititaasoq § 2-mi taaneqartoq pisuni makkunani annikillineqassaaq:

- A Timmisartornermik ilinniarnermi aallarnermut siullermut aallarnermut akigititaasoq tamakkiisumik akilerneqassaaq, timmisartornermilli ilinniarnermi pineqartumi aallarnernut tulliuttunut (touch-and-go) akigititaasoq 70%-inik annikillineqassalluni.
- B Sulisut pisinnaasaminnik puiguiumanatik timmisartunlluunniit nutaanut imaluunniit atortunut sungiussiniarlutik sungiusarlutik timmisartornerinut akigititaasoq 70%-inik annikillineqassaaq.

Imm. 1 malillugu annikilliliisoqassappat piumasaqaataavoq timmisartorneq allamut akunnilluni mikkallaqqaarani mittarfimmit ataasiinnarmit tingisoqartarlunilu aamma tassunnga mittoqartassasoq, immikkullu nalunaarut mittarfiup allaffianut nalunaarutigineqassasoq, kiisalu taamatut timmisartorneq angallannermut allamut akornutaassanngitsoq.

§6 Akiliisitsinnginneq

- Imm. 1 Aallarnermut akigititaasup aamma ilaasunut akigititaasup akilersinnejqannnginnissaa makkununnga atuupoq:

- A Timmisartup timmisinnaassusianik paasiniaaneq siunertaralugu Angallannermut Aqutsisoqarfiup pequsineratigut misileraalluni timmisartorneq.
- B Timmisartumik teknikkikut misileraalluni timmineq, inuussutissarsiutigalugu timmisartortartunit ingerlannejqartoq, akiliisunik ilaasoqarani akilikkanilluunniit useqarani. Aamma piumasaqaataavoq timmisartorneq mittarfimmut allamut minnani pissasoq.
- C Ujaasilluni annaassiniarlunilu timmisartorneq.
- D Teknikki pissutigalugu mittarfimmit tingigaluarluni mittarfimmut aallarfimmut utertariaqalerneq, teknikkikut ajoquteqalerneq, sila taakkuluunniit assigisaat pissutigalugit.
- E Timmisartut Angallannermut Aqutsisoqarfimmit Mittarfeqarfinniilluunniit pigineqartut attartorneqartulluunniit
- F Danskit nunallu allat sakkutuuisa timmisartui sakkutuujunngitsut timmisartuutaannik nalunaarsuiffimmi ilaatinnejqannngitsut.
- G Timmisartut nunat allat sinnisaannik imaluunniit Naalagaaffinni Peqatigiinni sulisunik assartuinermut taamaallaat atorneqartut, kiisalu naalagaaffiit allat politiivisa, ilanngaaserisuisa nakkutilliisuisalu timmisartui.

H	Timmisartut ukiumoortumik allagartaqartut, tak. § 9.
Imm. 2	Imm. 1, imm. a, b aamma c malillugit akiliinngitsoortitsisoqassappat piumasagaataavoq mittarfiup allaffianut immikkut nalunaaruteqartoqarsimassasoq, kiisalu taamatut timmisartorneq angallannermut allamut akornutaassanngitsoq.

§7 Uninnganermut akigititaasoq

Imm. 1	Timmisartup silami uninnganeranut llanngussaq 5 malillugu nal. ak. arfinillit siullit kingorna nal. ak. 24-t aallartittut tamaasa uninnganermut akigititaasoq akilerneqartassaaq, taannalu timmisartup aallarnermini oqimaannerpaaffigisassaatut akuerisaasoq (MTOW) tunngavigalugu naatsorsorneqartassaaq.
Imm. 2	Timmisartunut mittarfiup allaffianut siumoortumik isumaqatigiissuteqareernikkut isaterlugit sululuunniit peqtsillugit uninngatinneqartunut uninnganermut akigititaasup atuuttup 50%-iinik akikillisaasoqassaaq.
Imm. 3	Pissutsit tamanna pisariaqalersippasuk mittarfiup allaffiata sukkulluunniit piumasarisinnaavaa timmisartoq uninngaarfimmuit innersuussutigineqaqqaartumit allaasumut nuunneqassasoq. Timmisartup piginnittua (atuisua) pisussaavoq timmisartup pituttorneqarnissaa isumagissallugu, pissutsillu pisariaqartitsinerat, imaluunniit mittarfimmik aqutsisut peqqusissutigisinnaasaat naapertorlugit isumannaallisaataasunik iliuuseqassalluni, matumani unnuaanerani qullilersuineq ilangullugu.
Imm. 4	Uninnganermut akigititaasup akilerneqarnerata nunaminertamik timmisartup uninngavippiaanik taamaallaat atuisinnaatitaanermik nassataqarpoq.
Imm. 5	Illorsuarni timmisartuussivissuarniititsinermi mittarfiup pisortaqatigiivi immikkut isumaqatigiissuteqarfugalugit attartornermut akiliutit akilerneqassapput.
Imm. 6	Uninnganermut akigititaasoq piffissamut aalajangersimasumut sapaatit akunneranit ataatsimit sivikinnerunngitsumik attartorneq pineqartillugu attartornermut akigititaasumik taarserneqarsinnaavoq, taannalu mittarfimmik aqutsisoqarfik isumaqatigiissuteqarfigererlugu aalajangersarneqassaaq. Attartornermut akigititaasoq siumoortumik akilerneqartassaaq, utertillugulu akilerneqartussaanani. Attartukkamik allamut attartortitsineq inerteqquaavoq.

§8 Ammasitsinermut akigititaasoq

Imm. 1	Mittarfiup nalinginnaasumik ammasarfia avataatigut timmisartuussineq mittarfiup allaffianit akuerineqarluni pisinnaavoq §10-mi atortitsinnginnerit taaneqartut naapertorlugit, akiliutigineqartussat akiliinissallu saniatigut llanngussaq 6 tunngavigalugu ammaanermut akiliisoqassalluni.
Imm. 2	Ammaanermut akigititaasoq timmisartut ataasiakkaarlugit akilerneqartassaaq, mittarfik ammatinneqassasoq inniminniisoqareersimalguarpalluunniit.
Imm. 3	Timmisartusseqatigiiffik ammaasoqarnissaanik inniminniisimappat ammaaneq taanna ingerlatseqatigiiffiup timmisartuinut attartugaanullu tamanut atuutissaaq. Ammaanermut akigititaasoq timmisartumut akigititaasut qaffasinnerpaamik akiliuteqartussamut akilerneqassaaq.
Imm. 4	Timmisartoq angallannermut pilersaarusiaq nassiunneqarsimasoq tunngavigalugu mittarfimmit allamit pilersaarutaasut malillugit kingusinnerusukkulluunniit aallarsimappat nalinginnaasumillu

amasarfik sioqqullugu minnissani naatsorsuutigippagu ammaanermut akigititaasoq imm. 1-imi taaneqartoq akilersinnejassangilaq, mittarfiup tikiffissap sulisui sulilereersimappata, timmisartorlu pissutsit nalinginnaasuppata nalinginnaasumik ammasarfip iluani tikissimasussaagaluarpat.

- Imm. 5 Danskit sakkutuuisa timmisartuusa sakkutujunngitsut timmisartuinik nalunaarsuiffimmi ilaatinneqanngitsut ammaasoqarnissaanik inniminniisoqareersimagaluarpuunniit ammaanermut akigititaasoq llanngussaq 6, B malillugu akilissavaat, 50%-inik akikillillugu.
- Imm. 6 Timmisartut Angallannermut Aqtsisoqarfip aamma Mittarfeqarfiiit pigisaasa attartugaasaluunniit ammaanermut akigititaasoq akilertartussaanngilaat.

§9 Ukiemoortumik allagartat mittarfimmullu matoqqasumut minneq

- Imm. 1 Timmisartunut aningaaasarsiutigalugu timmisartornermut, namminerisamik timmisartornermut imaluunniit peqatigiiffiit timmisartornerinut taakkuluunniit assigisaannut atorneqanngitsunut, llanngussami 7-imi akit allattorneqarsimasut atorlugit, mittarfiup allaffianut saaffiginninnikkut mittarfinnut llanngussaq 1-imi mittarfinnut taaneqartunut timmisartortarnissamut ukimoortumik allagartalerneqarsinnaapput.
- Imm. 2 Ukiemoortumik allagartaq mittarfimmut ataatsimut imaluunniit mittarfinnut tamanut llanngussaq 1-imi taaneqartunut atugassatut tunniunneqarsinnaavoq.
- Imm. 3 Timmisartumut ataatsimut ukimoortumik allagartat arlallit tunniunneqarsinnaapput, tamarmik immikkut mittarfimmut aalajangersimasumut atuuttut.
- Imm. 4 Ukiemoortumik allagartaliinermi aallarnermut akigititaasoq, aqqusarnermut akigititaasoq ilaasunullu akigititaasoq piffissamut allagartap atuuffianut atuuttoq akilerneqareertarput.
- Imm. 5 Ukiemoortumik allagartaq qaammatisiutit malillugit ukiumi allagartaliiffiusumi 31. decemberip tungaanut atuuttussatut tunniunneqartarpooq.
- Imm. 6 Imm. 1-imi piumasaqaatit unioqquteqattaarneqarpata ukimoortumik allagartaq arsaarinnissutigineqassaaq.

§10 Imminut kiffartuulluni timmisartuussineq

- Imm. 1 Mittarfiit llanngussami 1-imi taaneqartut (Nerlerit Inaanni, Narsarsuarmi, Uummanni/Qaarsuni Sisimiunilu mittarfiit pinnagit) llanngussaq 6 malillugu ammaanermut akigititaasoq akilersinngikkaluarlugu nalinginnaasumik ammasarfip avataasigut miffigineqarsinnaapput, makkuninnga atugassaqartitsivusumik:
- Minnissamut akuersissut mittarfiup allaffianit pissarsiarineqarsimassaaq.
 - Mittarfik ingerlaavartumik nalunaarfingineqartassaaq aallarnerit qassit "imminut kiffartuunnertut ittunik atugassaqartitaalluni" ingerlanneqarsimanersut, § 13 imm. 4 malillugu.
 - Mittarfik kiffartuussissangilaq, matumani aputaajaasoqannginnissaa, sila pillugu paasissutissisoqannginnissaa imaluunniit mittarfiup quillilerisoqannginnissaa ilanngullugit.
- Imm. 2 Imm. 1 a-mi, b-mi c-milu piumasaqaatit eqqortinnejarnissaat piumasaqaatigalugu, ammaanermut akigititaasoq akilersinnagu mittarfinnut imm. 1-imi taaneqartunut imatut mittoqarsinnaavoq:

- a. Timmisartumut mittarfimmut minnissamik kissaateqartumut ukiumoortumik allagartamik tunniussisoqarsimassaaq
- b. Annaassiniarnermi ujarlernermiluunniit timmisartuussinerussaaq.
- c. Timmisartorneq tassaassaaq danskit nunalluunniit allat sakkutuusa sakkutuujungitsut timmisartuinik nalunaarsuiffimmi ilaanngitsut timmisartuat atorlugu timmisartorneq.
- d. Timmisartornermik ilinniarneq.
- e. Sulisut pisinnaasaminnik puiguiumanatik timmisartunulluunniit nutaanut imaluunniit atortunut sungiussiniarlutik sungiusarlutik timmisartornerat.
- f. Teknikkimik misileraalluni timmisartorneq.
- g. Timmisartut Angallannermut Aqutsisoqarfimmit Mittarfeqarfinnilluunniit pigineqartut attartorneqartulluunniit.
- h. Ilaasoqarani useqaraniluunniit timmisartorneq/timmisartumik nuussineq.

Imm. 3 Imm. 1 a-mi, b-mi c-milu piumasaqaatit eqqortinneqarnissaat piumasaqaatigalugu Uummannamut/Qaarsunut, Nerlerit Inaannut Kulusummullu imatut mittoqarsinnaavoq, ammaanermut akigititaasoq akilersinnagu:

- a. Danskit nunalluunniit allat sakkutuusa sakkutuujungitsut timmisartuinik nalunaarsuiffimmi ilaanngitsut timmisartui.

§11 Akiliisarnermut piumasaqaatit

- Imm. 1 Mittarfimmit allamit aallanngitsiarnermi minngitsiarnermilu, tamanna sioqqullugu allamik isumaqtigiissuteqartoqarsimangippat, timmisartup piginnittua, ingerlatitsisa sinnisaaluunniit mittarfiup allaffianut saaffiginnissaaq.
- Imm. 2 Akigititaasut akiliutillu malittarisassiani ukunani pineqartut pilersaarutaasumik timmisartornissat tamaasa sioqqullugit mittarfiup allaffianut aningaasanngorlugit akilerneqartassapput. Akiliutinik nalinginnaasunik (kreditkortinik) akiliineq aningaasanngorlugit akiliinertut isigineqarpoq.
- Imm. 3 Timmisartuutileqatigiiffit inuilluunniit ataasiakkaat mittarfimmut akuttunngitsumik mittarpata Mittarfeqarfiit aningaasaqarnermut immikkoortortaqrifat akinik akiliutinillu akiligassanngorsimasunik piffissakkaartumik akiliisarnissaq pillugu isumaqtigiissuteqarfigineqarsinnaavoq.
- Imm. 4 § 11, imm. 3 malillugu isumaqtigiissuteqarnermi akiliinissamut piumasaqaataavoq taakku ullut 14-it ingerlaneranni ilanngaatiassat ilanngaatigereerlugit akilerneqassasut, tamatuma kingorna ullut 14-kkaat aallartinnerini fakturap aningaasartaasa 1,5%-ii ilassutigineqartassapput.
- Imm. 5 Ullut 14-t qaangerlugit akitsoqalermermi fakturap aningaasartai allakkanik nukingisaarutinik nassiuussinermut akilummik ilaneqartassapput, takuuq Ilanngussaq 8.
- Imm. 6 Akiliinngitsoortoqartillugu timmisartuussisarneq pillugu inatsimmi §146-mi unerartitsisinnaatitaaneq pillugu aalajangersakkat atuutilissapput.

§12 Taarsiisussaatitaaneq

Timmisartup mittarfimmijinnerani tillinniartoqarsimappat, arlaatigulluunniit timmisartumi, atortuini, ilaasut akornanni, usingiaanermi il.il. ajoqusertoqarsimappat soorlu ikuallannermi imermilluunniit pissuteqartumik mittarfiit atasiakkaat akisussaatinnejqarsinnaangjillat.

§13 Aalajangersakkat allat

Tunngaviusumik aningaasaqarnikkulluunniit sunniuteqanngitsunik pisoqartillugu malittarisassiat uku Mittarfeqarfiit atuutinnginnissaat immikkut akuersissutigisinnaavaat.

- Imm. 1 Mittarfeqarfiit immikkoorluinnartumik niuererpalaartumik ingerlatsinermik tunngavilersukkamik piffissap aalajangersimasup iluani akitsuutit akikillisaaffigineqarsinnaanerat akuerisinnaavaa.
- Imm. 2 Mittarfeqarfiit mittarfinni qulimiguullillu mittarfiini ammasarfiit ingerlaavartumik allangortissinnaavai. Allannguinerit timmisartuutilinniit tunngaveqavissumik qinnuteqaateqarnerup Mittarfeqarfimmullu niuererpalaartumik tunngassuteqartumik naleqarnissaa aallaavigalugu ammasarfinnik allannguisinnaavoq.
- Imm. 3 Ammasarfinnik allunnguinissamut naliliiniarnermi attuumassutilimmik, nalgisarsiungitsumik erseqqarissumik tunngaveqartumik naliliisoqartassaaq.
- Imm. 4 Timmisartuutilik mittarfimmut tikinnermit aallarnermiillu kingusinnerpaamik akunnerit 24-it qaangiunneranni ilanngussaq 1 imm. A B-lu naapertorlugit tamakkiisumik paasissutissiisaaq DTS-format malillugu (ilanngussaq 9). Paasissutissat pineqartut akunnerit 24-it iluanni nassiunneqanngippata timmisartup taamaattup nalinginnaasumik issiavilersorneqartarnera naapertorlugu akit aalajangersorneqassapput. Issiavilersorneq ilumoortoq akunnerit 24-it qaangiunneranni issiaviiit amerlassusaat malittarisassat malillugit ilisimatitsissutigineqarpata timmisartuutilik utertitsivigineqarsinnaanngilaq. Akigitinneqartut pillugit misissuisoqarpat timmisartuutilik qulaani piumasaqaatit naapertornerannik minnermi aallalernermlu uppernarsaasinnaajuassaaq. Mittarfeqarfinnit piumasarineqarpat Loadsheets aamma nassiunneqassaaq. Loadsheets-imilli Mittarfeqarfiit piumasaqaataa timmisartuussinerit kingusinnerpaamik ullut 60-it qaangiunneranni piumaneqarsinnaavoq.
- Imm. 5 Eqquunngitsumik ilisimatitsinerit ullunillu killiliussanik atuutsitsinerit pillugit timmisartuutilip timmisartuutilimmillu sullisisup akornanni aaqqiagiinngissuteqarnerit taakku akunnerminni isumagineqassaaq taamalu timmisartuutilip Mittarfeqarfinnut akiliisussaaneranut sunniuteqassanani. DTS-imut ilanngussinerit saniatigut angallannermut paasissutissat IATA-mik nalunaarutit (ilanngussaq 10) Mittarfeqarfiit Airport Operational DataBase-ianut (AODB, Airport 20/20) aamma nassiunneqassaaq akit akiliisarnerlu pillugit malittarisassani piumasaqaatit naapertorlugit.

Malittarisassiaq una 1. januaari 2021 aallarnerfigalugu atortuulersinnejqassaaq.

MITTARFEQARFIIT
GRØNLANDS LUFTHAVNE

Nuuk, ulloq 18/6 2020

Niels Grossen